

IZVJEŠTAJ O SEMINARU BOLONJA EKSPERTE I EKSPERTE U REFOMI VISOKOŠKOLSKOG OBRAZOVANJA

PREKOGRANIČNO OBRAZOVANJE

Madrid, 22-24 April 2013, Universidad Autonoma Madrid

Prezenter i teme:

VINCENZO RAIMO je director međunarodne kancelarije na Univerzitetu u Nottinghamu i odgovoran je za podršku implementacije univerzitetske strategije internacionalizacije koja uključuje oblasti kao što su internacionalno partnerstvo i transnacionalno obrazovanje, internacionalne školarine, studentska mobilnost, internacionalna podrška studentima i njihovo regrutovanje. Namjera prezentacije je da da suštinu razvoja strategije internacionalizacije kroz britansku perspektivu.

RAFAEL LLAVORI je predsedavajući odsjeka za internacionalne i institucionalne odnose u nacionalnoj agenciji za osiguranje kvaliteta i akreditaciju u Španiji. Trenutno je član borda evropske asocijacije za osiguranje kvaliteta u visokom obrazovanju. Njegova prezentacija bavi se nedostatkom sveobuhvatne slike o tome kako i od koga je prekogranično obrazovanje akreditovano i nad njim izvršena kontrola kvaliteta, koji su metodi korišteni, i koja vrsta kolaboracije postoji između institucija i agencija u zemlji domaćina i zemlji pružaocu obrazovanja.

ANDREW MC COSHAN je nezavisni konsultant i saradnik UK akademije za visoko obrazovanje, a odnedavno je i gostujući istraživač pri UK komisiji za zapošljavanje. Do marta 2011. bio je direktor ECORIS grupe na osnovu čega je bio odgovoran za grupni rad sa evropskom komisijom na polju obrazovanja i treninga. Njegova prezentacija daje nalaze studije o provjeri kvaliteta franšize i područnih kampova u prekograničnom visokom obrazovanju.

MATTHIAS KUDER zaposlen je u centru za internacionalnu saradnju na Freie Universitat u Berlinu, jedinici koja je usmjerena na stratešku internacionalizaciju. Njegov posao uključuje razvoj strateskog partnerstva sa univerzitetima izvana i on predsjedava globalnom kancelarijom za mrežu sa

predstavnicima na različitim kontinentima. Na konferenciji je prezentirao problematiku internacionalnih zajedničkih i dvostruko stepenovanih programa. Ovaj razvoj događaja je otpočeo u Evropi 1990-ih godina i postao je vazan globalni trend u podsticanju visokoškolskih institucija, vlada, osnivača, agencija za akreditaciju širom svijeta da razmotre strategije i politike usmjerene na prekograničnu saranju i zajedničko stepenovanje programa.

THOMAS BUERMAN je stekao titulu istorijskih nauka u Gentu I od 2011. godine on je projektni menadžer Gent Univerziteta u Koreji. Zadužen je za dnevni menadžment projekta što uključuje između ostalog finansijski menadžment, komunikaciju sa korejskim partnerima, skiciranje obrazovnih programa i postavljanje celokupne organizacije područnog kampusa. On je prezentirao problematiku internacionalnih područnih kampusa, glavne izazove, kontekstualne faktore i praktična pitanja. Internacionalni područni kampusi se javljaju kao česta karakteristika internacionalno visokoškolskog pejzaža.

TIMOTHY READ je doktor kognitivnih nauka sa Univerziteta u Birmingenu. Kroz njegovu prezentaciju pokušao je da da odgovor na neka važna pitanja koja se nalaze visoko na agendi visokoškolskih institucija i praksa otvorenog obrazovanja: kako će obrazovanje izgledati 2025. godine, kako uključiti globalnu publiku u smislenu interakciju i cijeloživotno učenje; koji će biti dugoročni efekat promjene načina na koji se online učenje odvija.

JACK BAROKAS je trenutno rukovodilac servisa digitalnih medija na Univerzitetu u Tel Avivu i IT odsjeka koji obezbeđuje servise učenja na daljinu. Osnovao je i rukovodio malom privatnom kompanijom koja je pružala servis i održavala audio vizuelna pomagala. 1999. Godine počeo je da radi na Univerzitetu u Tel Avivu kao ekspert za personalne kompjuterske mreže. Na konferenciji je prezentirao različite strategije i tehnike učenja na daljinu i objasnio izazove evaluacije studentskih postignuća kroz učenje na daljinu.

Prof. dr Saša Milić
Vanredni profesor
Univerzitet Crne Gore